


漢官舊儀

禮

漢官舊儀

提要

臣等謹按漢議郎東海衛宏敬仲作漢舊儀四篇以載西京雜事見於范書本傳隋唐經籍藝文志漢舊儀四卷宋史藝文志三卷俱著於錄馬端臨經籍考卷目與宋志同而別題作漢官舊儀陳振孫書錄解題遂以其有漢官之目疑非衛宏本書或又以爲胡廣所作後亦佚不復傳世所見者獨前後漢書注及唐宋諸書所引而已今永樂大典所載此本亦題漢官舊儀不著撰人名氏其間述



漢官舊儀 提要
西京舊事典章儀式甚備且與諸書所引漢舊儀
之文參校無弗同者自屬衛宏本書其稱漢官舊
儀者或後人因其所載官制爲多妄加之耳至漢
書注中頗有稱胡廣曰者與漢舊儀互引其文亦
絕不相合惟廣傳載廣著詩賦銘頌及解詁二十
二篇而史注所引別有漢官解詁之名蓋卽廣所
作而舊儀之當出衛宏手益無疑也此本舊時失
於讐正首尾序次錯糅文字至脫誤不可乙今據
史文覈勘且旁徵舊書參析同異疏於各句下方
其原有注者畧仿劉昭注續漢志例通爲大書稱
本注以別之釐爲上下二卷又前後漢紀志注及
唐宋類書內所引佚文頗多蓋此書遞更顯晦已
非完本謹爲蒐擇甄錄別爲補遺一卷附於其後
以畧還宋志篇目之舊云乾隆三十八年四月恭
校上

總纂官編修 臣 紀 昀

郎中 臣 陸錫熊

纂修官編修 臣 陳昌圖

漢官舊儀卷上

漢

衛

宏

撰

皇帝起居儀宮司馬內

按元帝紀初元五年宮司馬中注應劭曰宮司馬中者宮內門

也據此則此內字與中字義同

百官案籍出入營衛周廬晝夜誰何殿

外門署屬衛尉殿內郎署屬光祿勳黃門鈎盾署屬少

府輦動則左右侍帷幄者稱警車駕則衛官填街騎士

塞路出殿則傳蹕止人清道建五旗丞相九卿執兵奉

引乘輿冠高山冠飛羽之纓

按晉書輿服志引此文作漢官儀又飛羽作飛翮

幘耳赤丹紕裏

按續漢書輿服志劉昭補注引此文裏下有衣字

帶七尺斬蛇

劍履虎尾絢履諸王歸國稱從

皇帝六璽皆白玉螭虎紐文曰皇帝行璽皇帝之璽皇

帝信璽天子行璽天子之璽天子信璽凡六璽皇帝行

璽凡封按此句有脫字應云凡封命用之之璽按此句應云皇帝之璽賜諸侯王

書信璽按此句應云皇帝信璽發兵其徵大臣以天子行璽策拜

外國事以天子之璽事天地鬼神以天子信璽按此條

璽下各句並有脫字續漢書輿服志注所引亦同惟隋書禮儀志稱皇帝行璽封命諸侯及三公公用之皇帝之

璽與諸侯及三公書用之皇帝信璽發諸夏兵用之文義完備謹參校以正其缺又漢書霍光傳皇帝信璽行

璽孟康注天子之璽自佩行璽信璽在符節臺亦可考見漢時藏璽之制併附著之以補此文所未備皆

以武都紫泥封青布囊按續漢書輿服志白素裏兩端

無縫尺一板中約署按此句疑皇帝帶綬黃地六采按

采舊作赤采似誤又攷宋書禮志引漢制皇帝黃赤綬四采黃赤縹紺亦與此互異今據續漢書輿服志注校

正不佩璽按續漢書志注引此以金銀滕組侍中組負

以從秦以前民皆佩綬以金玉銀銅犀象為方寸璽各

服所好奉璽書使者乘馳傳其驛騎也三騎行晝夜行

千里為程

太官尚食用黃金釵器中官私官尚食用白銀釵器

中官小兒官及門戶四尚中黃門持兵三百人侍宿按

書百官公卿表百官志皆不載小兒官及門戶四尚官名

冗從吏僕射按續漢書百官志中黃門冗從僕射一人六百石此句首疑脫中黃門三字吏字疑

亦衍出則騎從夾乘輿車居則宿衛直守省中門戶○

本注曰省中禁中也成帝外家王禁貴重朝中為諱禁故曰省

中常侍宦者秩千石得出入臥內禁中諸宮

侍中無員或列侯將軍衛尉光祿將大夫郎為之得舉非法白請及出省戶休沐往來過直事

御史員四十五人皆六百石其十五人衣絳給事殿中

為侍御史宿廬左右渠門外二人尚璽四人持書給事

二人按漢書百官公卿表僕射御史治書尚符璽者有印綬續漢書百官志治書侍御史二人此文持字

疑當作治侍中丞一人領按漢書表志漢改御史大夫為司

乃列侯以下入侍禁中者所加官餘三十人留寺按寺御史

署也在司馬門內前漢書蕭望之傳注作三十人留守者非理百官也

給事中無常員位次侍中常侍

尚書四人為四曹侍曹尚書按前漢書師古注引此文侍上有常字與續漢書志

合主丞相御史事二千石曹尚書主刺史二千石事民

曹尚書主庶民上書事客曹尚書主外國四夷事成帝

初置尚書員五人有三公曹主斷獄

尚書令主贊奏封下書按續漢書百官志掌凡選署及奏下尚書文書眾事僕射

主閉封丞二人主報上書者兼領財用火燭食厨漢置

中官領尚書事中書謁者令一人成帝建始四年罷中

書官以中書為中謁者令

尚書郎四人匈奴單于營部二郎主羌夷吏民曹一

郎主天下戶口墾田功作謁者曹一郎主天下見錢貢

獻委輸

按晉書職官志漢置尚書郎四人一人主匈奴單于營部一人主羌夷吏民一人主戶口墾田

一人主財帛委輸與此文少異疑二郎當作一郎匈奴單于上脫一郎主三字

中臣在省中皆白請其宦者不白請尚書郎宿留臺中

官給青縑白綾被或錦被帷帳氈褥通中枕太官供食

湯官供麩餌果實下天子一等給尚書郎伯二人女侍

史二人皆選端正者從直伯送至止車門還女侍史執

香爐燒薰從入臺護衣

黃門令領黃門謁者騎吹曰冗從僕射一人領髦頭

左曹日上朝謁秩二千石

右曹日上朝謁秩二千石

黃門郎屬黃門令日暮入對青鑰門拜名曰夕郎

五官中郎將秩比二千石主五官郎中

左右中郎將秩比二千石主謁者常侍侍郎以貲進○

本注曰左主謁者右主常侍侍郎

五官屬光祿勳不得上朝謁兼左右曹諸吏得上朝謁

郎中令主郎中

按漢書注主郎內諸官

左車將主左車郎右車將

主右車郎左戶將主左戶郎右戶將主右戶郎

按漢書如淳注

引漢儀注

秩皆比千石獨郎中令比二千石

按郎中令武帝太初

元年更名光祿勳此文前後皆言光祿勳獨此條言郎中令杜預所謂史駁文也又續漢書百官志光祿勳卿一人中二千石此云比二千石疑有誤或漢初未更官名時舊制耳

黃門冗從持兵無數宣通內外宦者署尚書皆屬少府

殿中諸署五郎將屬光祿勳按上文五官左右三中郎將此言五郎將者蓋并虎賁羽林二中

郎將為五也宮司馬諸隊都候領督盜賊屬執金吾司

馬掖門殿門屯衛士皆屬衛尉按宋錢文子曰百官表

左右都候此云屬金吾者蓋執金吾徼巡宮外寔相表裏所謂聯事也中尉武帝太初元年更名執金吾

右中二千石二千石四官按少府光祿勳執金吾衛尉四官續漢志皆中二千石此

云中二千石二千石奉宿衛各領其屬斷其獄者蓋西漢時初制

期門騎者隴西工射獵人及能用五兵材力三百人行

出會期門下從射獵無員秩比郎從官名日期門騎置

僕射一人秩六百石騎持五旗別外內王莽更名虎賁

郎按百官公卿表平帝元始元年更名虎賁郎遷補吏署

中郎將一人施旄頭按中郎將一人謂羽林中郎將也考漢百官公卿表宣帝令中郎將

騎都尉監羽林霍光傳有諸吏中郎將羽林監任勝蓋以中郎將或騎都尉監羽林中郎將故於本官上不冠以羽

林之號至後漢始置羽林中郎將為定職耳又東方朔傳羿為旄頭注引應劭曰旄頭今以羽林為之髮正向

上而長衣繡衣在乘輿車前據此則屬羽林取三輔良施旄頭之文當為羽林所職無疑也

家子自給按宋錢文子補漢兵志引此文羽林下有從官七百人五字自給下有鞍馬二字蓋舊本

脫此七字又漢書如淳注引漢孤兒無數按錢文子補儀注亦云羽林從官七百人

有諸字父死子代皆武帝時從軍死子孤不能自活養

羽林官比郎從官從車駕不得冠置令一人名曰羽林騎孤兒

皇帝見諸侯王列侯起侍中稱曰皇帝為諸侯王列侯起起立乃坐太常贊曰謹謝行禮皇帝在道丞相迎謁謁者贊曰皇帝為丞相下輿立乃升車皇帝見丞相起謁者贊稱曰皇帝為丞相起立乃坐太常贊稱敬謝行禮宴見侍中常侍贊御史大夫見皇帝稱謹謝將軍見皇帝稱謝中二千石見皇帝稱謝二千石見皇帝稱制曰可太守見皇帝稱謝拜御史大夫為丞相左右前後將軍贊五官中郎將授印綬拜左右前後將軍為御史大夫中二千石贊左右中郎將授印綬拜中二千石中郎將贊御史中丞授印綬拜千石六百石御史中丞贊侍御史授印綬印綬盛以篋篋綠綈表白素裏尚書令史捧西向侍御史東向取篋中印綬授者却退受印綬者手握持出至尚書下乃席之丞相列侯將軍金印紫綬中二千石二千石銀印青綬皆龜紐其斷獄者印為章

漢初置相國史秩五百石後罷并為丞相史

丞相府司直一人秩二千石職無不監武帝初置曰馬

直官今省按馬直官當作司直官百官志本法注曰世祖以武帝故事置司直居丞相府助督錄諸州

建武十
八年省

列侯為丞相相國號君侯御史大夫為丞相更春乃封
丞相車黑兩轡騎者衣絳掾史見禮如師弟子白錄不
拜朝示不臣也聽事閣曰黃閣無鐘鈴掾有事當見者
主簿至曹請不傳召掾見脫履公立席後荅拜百石屬
不得白事當謝者西曹掾為通謝部吏二千石初除詣
東曹掾拜部謁者贊之

丞相門無塾門署用梗板方圓三尺不堊色不郭邑署
曰丞相府東門西門長史物故廷尉正監守

丞相初置吏員十五人皆六百石分為東西曹東曹九
人出督州為刺史西曹六人其五人往來白事東廂為
侍中一人留府曰西曹領百官奏事長安給騎亭長七
十人六月一更倉頭廬兒出入大車駟馬前後大車駢
車中二千石屬官以次送從

丞相太尉大將軍史秩四百石

按漢書如淳注引漢儀注與此文同

丞相刺史常以秋分行部御史為駕四封乘傳

按漢書平帝紀

如淳注律當乘傳及發駕置傳者皆持尺五寸木傳信封以御史大夫印章其乘傳參封之參三也有期會累封兩端端各兩封凡四封也乘置馳傳五封也兩端各二中央一也輅傳兩馬再封之一馬一封也據此則前文所云奉璽書使者到所部郡國各遣吏一人迎界上乘馳傳當駕五封矣

得載別駕自言受命移郡國與刺史從事盡界罷行載

漢官舊儀 卷上
從者一人得從吏所察六條刺史舉民有茂材移名丞相丞相考召取明經一科明律令一科能治劇一科各一人詔選諫大夫議郎博士諸侯王傅僕射郎中令取明經選廷尉正監平案章取明律令選能治劇長安三輔令取治劇皆試守小冠滿歲爲真以次遷奉引則大冠

武帝元狩六年初置大司馬

丞相司置諫大夫秩六百石丞相小史秩四百石次三百石百石書令史斗食缺試中二十書佐高第補因爲騎史武帝元狩六年丞相吏員三百八十二人史二十

人秩四百石少史八十人秩三百石屬百人秩二百石

屬史百六十二人秩百石皆從同秩補以爲有權衡之

量不可欺以輕重有丈尺之度不可欺以長短官事至

重古法雖聖猶試故令丞相設四科之辟以博選異德

名士稱才量能不宜者還故官第一科曰德行高妙志

節清白二科曰學通行修經中博士三科曰明曉法令

足以決疑能案章覆問文中御史四科曰剛毅多略遭

事不惑明足以照姦勇足以決斷才任三輔令

按藝文類聚引

此文輔下有劇字皆試以能信然後官之第一科補西曹南閣

祭酒二科補議曹三科補四辭八奏四科補賊決其以

詔使案事御史為駕一封行赦令駕二封皆特自奏事各以所職劾中二千石以下選中二千石書佐試補令史令史皆斗食遷補御史令史其欲以秩留者許之歲舉秀才一人廉吏六人

丞相典天下誅討賜奪吏勞職煩故吏眾

君侯月一行屯衛騎不以車衛士初至未入君侯到都門外勞賜吏士

武帝元封五年初分十三州刺史假印綬有常治所按漢志書太守都尉之治而刺史無有故沈約劉昭皆以為傳車周流無常治所但刺史行部必待秋分則秋分以前當居何所耶漢書朱博傳博遷冀州刺史救告吏民欲言二千石墨綬長吏者使者行部還詣治所師古曰

治所刺史所止理事處是刺史本有治所漢志特畧而不載耳舊儀所云可取證也奏事各有常

會擇所部二千石卒史與從傳食比二千石所傳刺史奏幽隱奇士拜為三輔縣令比四百石居後六卿一切舉試守令取徵事○本注曰徵事比六百石皆故吏二千石不以贓罪免降秩為徵事

郡國守丞長史上計事竟遣君侯出坐庭上親問百姓所疾苦計室掾吏一人大音者讀勅畢遣勅曰詔書數下禁吏無苛暴丞長史歸告二千石凡民所疾苦急去殘賊審擇良吏無任苛刻治獄決訟務得其中明詔憂百姓困於衣食二千石帥勸農桑思稱厚恩有以賑贍

之無煩擾奪民時公卿以下務飭儉恪今俗奢多過制
度日以益甚二千石務以身帥有以化之民冗食者謹
以法養視疾病致醫藥務活之詔書無飾厨傳增養食
至今未變或更尤過度甚不稱歸告二千石務省約如
法且案不改者長吏以聞守寺鄉亭漏敗垣墻池壤所
治無辦護者不稱任先自劾不應法歸告二千石勿聽

惟神爵三年十月甲子丞相受詔之官

按百官公卿表神爵三年四月

戊戌御史大夫丙吉爲丞相與此文月日不合

皇帝延登親詔之曰君其進虛

受朕言朕鬱于大道獲保宗廟兢兢師師夙夜思過失
不遑康寧晝思百官未能綏於戲丞相其帥意無怠以

補朕闕於戲羣卿大夫百官慎哉不勗于職厥有常刑

往悉乃心和裕開賢俾之反本又民廣風一俗靡諱朕

躬天下之衆受制於朕丞相可不慎歟於戲君其誠之

丞相府官奴婢傳漏以起居不擊鼓官屬吏不朝旦白

錄而已諸吏初除謁視事問君侯應閣奴名白事以方

尺板叩閣大呼奴名君侯出入諸吏不得見見禮如師

弟子狀掾史有過君侯取錄推其錄三日白病去

御史衛尉寺在宮中亦不鼓

詔書下朱鈞施行詔書下有違法令施行之不便曹史
白封還尙書對不便狀

漢官舊儀 卷一
丞相有病皇帝法駕親至問病從西門入卽薨移居第
中車駕往弔賜棺斂具贈錢葬地葬日公卿以下會送
有天地大變天下大過皇帝使侍中持節乘四白馬賜
上尊十斛按藝文類聚引此文尊下有酒字養牛一頭策告殃咎使者

去半道丞相上病使者還未白事尙書以丞相不起病
聞丞相不勝任使者奉策書駕騶駱馬卽時布衣步出
府免爲庶人丞相有他過使者奉策書駕騶駱馬卽時
步出府乘棧車牝馬歸田里思過日食卽日下赦曰制
詔御史其赦天下自殊死以下及吏不奉法乘公就私
凌暴百姓行權相放治不平正處官不良細民不通下

失其職俗不孝弟不務于本衣服無度出入無時衆彊
勝寡盜賊滋彰丞相以聞於是乃命刺史出刺并察監
御史元封元年御史止不復監後御史職與丞相參增
吏員凡三百四十一人分爲吏少史屬亦從同秩補率
取文法吏

尉
廷尉正監平物故以御史高第補之御史少史行事如
御史少史有所爲卽少史屬得守御史行事如少史少
史秩比六百石御史少史物故以功次徵丞相史守御
史少史所代到官視事得留罷中二千石詹事水衡都

丞相史物故調御史少史守丞相史若御史少史監祠
寢園廟調御史少史屬守不足丞相少史屬爲倖事已
罷

丞相刺史侍御史皆稱卿不得言君

御史中丞督司隸司隸督司直司直督二千石以下至

黑綬

按北堂書鈔引漢舊儀作司隸督丞相丞相督司直司直督刺史刺史督二千石云云與此文畧異

又御史中丞上有武帝時三字

大夫見孝廉上計丞長史皆放官司馬門外比丞相掾
史白錄

御史大夫寺在司馬門內門無塾門署用梓板不起郭

邑題曰御史大夫寺

大夫初拜策曰惟五鳳三年正月乙巳御史大夫之官

按百官公卿表五鳳三年六月辛酉西河太守杜延年爲御史大夫與此文月日不合 皇帝延登

親詔之曰御史大夫其進虛受朕言朕鬱于大道獲保

宗廟兢兢師師夙夜思已失不遑康寧晝思百姓未能

綏於戲御史大夫其帥意盡心以補朕闕於戲九卿羣

大夫百官慎哉不勗於厥職厥有常辟往悉乃心和裕

開賢俾賢能反本又民靡諱朕躬天下之衆受制于朕

以法爲命可不慎歟於戲御史大夫其誠之救上計丞

長史曰詔書數下布告郡國臣下承宣無狀多不究百

漢官舊儀卷上
姓不蒙恩被化守丞長史到郡與二千石力爲民興利
除害務有以安之稱詔書有郡國茂材不顯者言上殘
民貪汚煩擾之吏百姓所苦務勿任用方察不稱者也

漢官舊儀卷上

漢官舊儀卷下

漢

衛

宏

撰

中宮及號位

皇后稱中宮

婕妤見大長秋稱皇后爲婕妤下輿坐稱起禮比丞相

姪娥見女御長稱謝

按漢書房太子傳長御倚華如淳注引漢儀注云女長御比侍中皇

后見姪娥以下長御稱謝與此文相合惟禮比將軍御御長作長御稍異又鄭氏云長音如長者

史大夫昭儀見稱謝比中二千石貴人見稱皇后詔曰

可禮比二千石美人無數婕妤以下皆居掖庭置令丞

廬監宦者女御長如侍中

皇后一人婕妤以至貴人皆至十數美人比待詔無數
元帝成帝皆且千人

侍中左右近臣見皇后如見

按北堂書鈔引此文見下有帝字

婕妤行

則對璧坐則伏茵皇后婕妤乘輦餘皆以茵四人輿以
行

皇后玉璽文與帝同皇后之璽金螭虎紐○本注曰一
本無此條

皇后春桑皆衣青手采桑以纁三瓮

按藝文類聚引此文作三盆瓮

字誤羣臣妾從春桑生而皇后親桑於苑中蠶室養蠶千
薄以上祠以中牢羊豕祭蠶神曰苑窳婦人寓氏公主

凡二神羣臣妾從桑還獻于蠶觀皆賜從採桑者樂皇

后自行凡蠶絲絮織室以作祭服祭服者冕服也天地

宗廟羣神五時之服

按後漢書東平王蒼傳五時衣各一襲李賢注謂春青夏朱季夏黃

秋白冬黑晉書職官志有五時朝服蓋朝祭皆以為法服也藝文類聚引此文羣神作羣臣誤皇帝得

以作纁縫衣皇后得以作巾絮而已置蠶官令丞諸天

下官下法皆詣蠶室與婦人從事故舊有東西織室作

治

皇后五日一上食賜上左右酒肉留宿明日平旦歸

中宮

皇帝聘皇后黃金萬斤

按漢書王莽傳故事聘皇后黃金二萬斤為錢二萬萬與此文

異疑萬上脫二字

立皇后太子大赦天下賜天下男子爵女子牛酒繒帛夫增秩

掖庭令晝漏未盡八刻廬監以茵次上婕妤以下至後庭訪白錄所錄所推當御見刻盡去簪珥蒙紗入禁中五刻罷即留女御長入扶以出御幸賜銀環令書得環數計月日無子罷廢不得復御

宮人擇官婢年八歲以上侍皇后以下年三十五出嫁乳母取官婢

皇太子稱家動作稱從

皇太子黃金印龜紐印文曰章下至二百石皆為通官印

太傅一人真二千石禮如師亡新更為太子師中庶子五人職如侍中秩六百石

中尚翼中涓如中黃門皆宦者

門大夫比郎將

洗馬職如謁者十六人選郎中補也

庶子舍人按續漢書百官志太子庶子太子舍人為兩官此書庶子已別見後條此條庶子二字疑

當作太子四百人按四百人三字疑衍如郎中秩比二百石無員多至

四百人亡新改名為翼子

率更令秩千石主庶子舍人更直亡新改爲中更丞一人秩四百石

家令秩千石主倉獄亡新改爲中更

家府比二千石

僕秩千石主馬

庶子秩比四百石如中郎無員亡新改爲中翼子

衛率秩比千石丞一人主門衛

食官令秩六百石丞一人

中盾秩四百石主周衛徼循

庶子舍人五日一移主率更長三不會輒斥官奴擇給

書計從侍中以下爲倉頭青幘與百官從事從入殿中

省中待使令者皆官婢擇年八歲以上衣緣按緣字疑綠字之訛

曰宦人不得出省門置都監老者曰婢婢教官人給使

尚書侍中皆使官婢不得使宦人奴婢欲自贖錢千萬

免爲庶人宮殿中宦者署郎署皆官奴婢傳言曰作者

歌傳以呼召侍中以下署長○本注曰宦者及郎署長

各顧門戶擇官奴赤幘部領作者掃除曰正○本注曰

歌傳取於雒陽古周時傳呼聲法按此注當在歌傳以呼召句下

天子六殿未央殿承華殿駟駘殿路輪殿騎馬殿大殿

馬皆萬疋

漢官舊傳 卷下
中黃門駙馬大宛汗血馬乾河馬天馬果下馬 本注
日果下馬高三尺駕輦大宛汗血馬皆高七尺乾河馬
華山神馬種也

長安城方六十里

按後漢書郡國志京兆尹條下注經云長安城方六十三里漢志似誤

緯各十五里十二城門積九百七十三頃百二十亭長
安城方六十里中皆屬長安令置左右尉城東城南置
廣部尉城西北置明部尉凡四尉

皇后太子各食四十縣曰湯沐邑

按藝文類聚引此文作三十縣

帝子爲王王國置太傅相中尉各一人秩二千石以輔
王僕一人秩千石郎中令秩六百石置官如漢官官吏

郎大夫四百石以下自調除國中漢置內史一人秩二
千石治國如郡太守都尉職事調除吏屬相中尉傅不
得與國政輔王而已當有爲移書告內史內史見傅相

中尉禮如都尉太守

按太守當作太傅

相置長史中尉及內史

令置丞一人皆六百石成帝時大司空何武奏罷內史
相如太守中尉如都尉參職是後相中尉爭權與王通
相奏常不和

王子爲侯

侯王歲以戶口耐黃金獻于漢廟皇帝臨受獻金以助
祭大祠曰飲耐飲耐受金小不如斤兩色惡王奪戶侯

免國

漢承秦郡置太守治民斷獄都尉治獄都尉治盜賊甲卒兵馬

民年二十三為正一歲而以為衛士一歲為材官騎士習射御騎馳戰陣八月太守都尉令長相丞尉會都試課殿最水處為樓船亦習戰射行船

邊郡太守各將萬騎行障塞烽火追虜置長史一人掌兵馬丞一人治民當兵行長史領置部都尉千人司馬候農都尉皆不治民不給衛士材官樓船年五十六老衰乃得免為民就田里民應令選為亭長

亭長課射游徼循尉游徼亭長皆習設備五兵五兵

弓弩戟盾刀劍甲鎧鼓武字吏赤幘大冠行滕帶劍佩

刀持盾被甲設矛戟習射按此文原本自甲鎧鼓以上

下別為一條今考北堂書鈔引此文云亭長習設五兵五兵言弩戟刀劍鎧也其於五兵不數盾者蓋傳寫脫漏而並不及鼓則鼓字自當屬下文讀續漢書志注引此亦作鼓吏赤幘云云無武字原本既分為兩條又衍一武字俱誤

設十里一亭亭長亭候五里一郵郵間相去二里半司

姦盜亭長持三尺板以劾賊索繩以收執盜

舊制尉皆居官署有尉曹官中領平鑠署按此句疑有脫誤

更令吏曰令史丞吏曰丞史尉吏曰尉史捕盜賊得捕

格

縣戶口滿萬置六百石令多者千石戶口不滿萬置四百石三百石長大縣兩尉小縣一尉丞一人三百石丞縣長黃綬皆大冠亡新令長為宰皆小冠號曰夫子亡新時有五百石八百石府下置詔獄○本注曰府河南府也鄧展曰舊洛陽有兩獄

建始二年

按元帝紀建昭二年三月益三河大郡太守秩成帝建始二年並無益秩之文建始當作

建昭益三河及大郡太守秩○本注曰十二萬戶以上為

大郡太守小郡守遷補大郡

元朔三年以上郡西河為萬騎太守月奉二萬綬和元

年省大郡萬騎員秩以二千石居

舊制令六百石以上

按令字疑當作吏

尚書調拜遷四百石長

相至二百石丞相調除中都官百石

按漢書師古注中都官京師諸官府

大鴻臚調郡國百石二千石調哀帝時長相皆黑綬亡

新吏黑綬有罪先請與廉吏同

按宣帝紀黃龍元年詔曰舉廉吏誠欲得其真

也吏六百石位大夫有罪先請秩祿上通足以效其賢才自今以來毋得舉据此則有罪先請為吏六百石以上不得復舉孝廉者此文乃曰與廉吏同未詳其義疑上下文有脫誤

內郡為縣三邊為道皇后太子宮主所食為邑

算民年七歲以至十四歲出口錢人二十三以食天子

按句首脫二

其三錢者武帝加口錢以補車騎馬逋稅

又令民男女年十五以上至五十六賦錢人百二十為

一竿以給車馬民田積芻橐以給經用備凶年山澤魚

鹽市稅以給私用按武帝紀太初二年籍吏民馬補車

買馬難得於是有所謂馬者籍之且于口賦之外增三錢以

補車騎馬之用所謂馬口錢者此也其後昭帝省乘輿

馬及苑馬元鳳二年詔郡國無斂馬口錢前後漢書並

無以口錢補逋稅之文逋稅乃逐年收責不籍口賦錢

補也此條所云以補車騎馬逋稅當是明時校錄者緣

光武紀建武二十二年口賦逋稅勿收責一條注中引

漢儀注率連逋稅二字而誤

漢舊制天下郡國凡百六邑侯國凡千八百上林苑中

昆明池鎬池牟首諸池取魚鼈給祠祀用魚鼈千枚以

上餘給太官

上林苑中以養百獸禽鹿嘗祭祠祀賓客用鹿千枚麋

兔無數飲飛具繒繳以射鳧鴈應給祭祀置酒每射收

得萬頭以上給太官

上林苑中天子秋冬射獵取禽獸無數實其中離宮觀

十七所皆容千乘萬騎

武帝時使上林苑中官奴婢及天下貧民貲不滿五千

徙置苑中養鹿因收撫鹿矢人日五錢到元帝時七十

億萬以給軍擊西域

古者諸侯治民周以上千八百諸侯其長伯為君次仲

叔季為卿大夫支屬為士庶子皆世官位至秦始皇帝

滅諸侯為郡縣不世官守相令長以他姓相代去世卿大夫士

漢承秦爵二十等以賜天下爵者祿位也

公士一爵賜爵一級為公士謂為國君列士也

上造二爵賜爵二級為上造上造乘兵車也

簪裹三爵賜爵三級為簪裹

不更四爵賜爵四級為不更不更主一車四馬

大夫五爵賜爵五級為大夫大夫主一車屬三十六人

官大夫六爵賜爵六級為官大夫官大夫領車馬

公大夫七爵賜爵七級為公大夫公大夫領行伍兵

公乘八爵賜爵八級為公乘與國君同車

五大夫九爵賜爵九級為五大夫以上次年德為官長

將率秦制爵等生以為祿位死以為號諡

按百官志注引荀綽晉百

官表注曰自公士至五大夫皆軍吏也自左庶長至大庶長皆卿大夫皆軍將也此條所云官長將率祿位諡號非顯指軍吏之辭似當在二十爵一條下為總結之文或者錯簡在此耳

左庶長十爵

右庶長十一爵

左更十二爵

中更十三爵

右更十四爵

少上造十五爵

太上造十六爵

駟車庶長十七爵

大庶長十八爵

侯十九爵

按侯當作關內侯前漢書十九關內侯師古曰言有侯號而居京畿無國邑

列侯二十爵

秦制二十爵男子賜爵一級以上有罪以減年五十六

免無爵為士伍年六十乃免老有罪各盡其刑凡有罪

男髡鉗為城旦城旦者治城也女為舂舂者治米也皆

作五歲完四歲鬼薪三歲鬼薪者男當為祠祀鬼神伐

山之薪蒸也女為白粲者以為祠祀擇米也皆作三歲

罪為司寇司寇男備守女為作如司寇皆作二歲按為司寇

數句疑有脫誤攷前漢書刑法志隸臣妾滿二歲為司寇司寇一歲及作如司寇二歲皆免為庶人與此互異

男為戍罰作女為復作皆一歲到三月按此下疑有脫誤或當別為一條

條 令曰秦時爵大夫以上令與亢禮

五人為伍伍長一人十人為什什長一人百人為卒卒

史一人五百人為旅旅帥一人二千五百人為師師帥

一人萬二千五百人為軍軍將一人以上卿為將軍九

夫為井四井為邑四邑為邱四邱為乘乘則具車一乘

四馬步卒三十六人千乘之國馬四千匹步卒三萬六

漢官舊儀卷下
千人爲三軍大國也次國二軍小國一軍

漢官舊儀卷下

補遺

上林詔獄主治苑中禽獸宮館事屬水衡

成帝紀建始元年注

諸侯王黃金璽橐駝鈕文曰璽

師古曰謂刻云某王之璽

銀印背龜鈕其文曰章

師古曰謂刻曰某官之章也百官公卿表注

六百石四百石至二百石以上皆銅印鼻鈕文曰印

師古

曰謂鈕但作鼻不爲蟲獸之形而刻文云某官之印百官公卿表注

右前漢書凡四條

先農神農炎帝也祠以太牢百官皆從皇帝親執耒耜

而耕天子三推三公五孤卿十大夫十二庶人終畝乃

致藉田倉置令丞以給祭天地宗廟以爲粢盛

明帝紀永平四

年注 又禮儀志正月始耕一條下注亦引此條有大賜三輔二百里孝弟力田三老帛種百穀萬斛包

伏日萬鬼行故盡日閉不干它事和帝紀永元六年注

皇帝惟八月耐車駕夕牲牛以絳衣之皇帝暮視牲以

鑑燧取水于月以火燧取火于日為明水火左袒以水

沃牛右肩手執鸞刀以啓牛毛薦之而即更衣巾待牛

熟乃祀之禮儀志注

求雨太常禱天地宗廟社稷山川以賽各如其常牢禮

也四月立夏旱乃求雨禱雨而已後旱復重禱而已訖

立秋雖旱不得禱求雨也禮儀志注

顓頊氏有三子生而亡去為疫鬼一居江水是為虎一

居若水是為魍魎蜮鬼一居人宮室區隅漚庾善驚人

小兒漚庾未詳方相帥百隸及童女以桃弧棘矢土鼓鼓且

射之以赤丸五穀播灑之禮儀志注

祭天紫壇幄帷高皇帝配天居堂下西向紺帷帳紺席

祭祀志注 祭天養牛五歲至三千斤祭祀志注 按三千斤疑有誤

宗廟三年大祫祭于高廟諸廟神皆合食設左右座高

祖南面幄繡帳望堂上西北隅帳中座長一丈廣六尺

繡茵厚一尺著之以絮四百斤曲几黃金鈿器高后右

座亦幄帳却六寸白銀鈿器每牢中分之左辨上帝右

辨上后俎餘委肉積於前數千斤名曰帷俎子為昭孫

漢官舊儀 禮道
為穆昭西面曲屏風穆東面皆曲几如高祖饌陳其右
各配其左坐如祖妣之法太常導皇帝入北門羣臣陪
者皆舉手班辟抑首伏大鴻臚大行令九儼傳曰起復
位皇帝上堂盟侍中以巾奉觶酒從帝進拜謁贊饗曰
嗣曾孫皇帝敬再拜前上酒却行至昭穆之坐次上酒
子為昭孫為穆各父子相對也畢却西面坐坐如乘輿
坐按二句疑有脫誤贊享奉高祖賜壽皇帝起再拜即席以太
牢之左辨賜皇帝如祠其夜半入行禮平明上九卮畢
羣臣皆拜因賜胙皇帝出即更衣中詔罷當從者奉承

祭祀志注

凡齋紺幘耕青幘秋緇劉服紺幘

輿服志注

右後漢書凡九條

臘者報諸鬼神古聖賢有功於民者也

漢法三歲一祭於雲陽宮甘泉壇以冬至日祭天天神
下三歲一祭地於河東汾陰后土宮以夏至日祭地地
神出祭五帝於雍時祭天用六綵綺席六重上一丈中
一幅四周緣之玉几玉飾器

桓帝祭天居玄雲宮齋百日上甘泉通天臺高三十丈
以候天神之下見如流火舞女童三百人皆年八歲天
神下壇所舉烽火桓帝就行宮中不至壇所甘泉臺去

漢官舊儀 禮選 三
長安三百里望見長安成帝以來所祭天之園丘也
祭地河東汾陰后土宮宮曲入河古之祭地澤中方且
也禮儀如祭天

武帝初置博士取學通行修博識多藝曉古文爾雅能
屬文章爲高第朝賀位次中都官吏稱先生不得言君
其真弟子稱門人

孝文皇帝時博士七十餘人朝服元端章甫冠

太僕帥諸苑三十六所分布北邊以郎爲苑監官奴婢
三萬人分養馬三十萬頭擇取給六廐牛羊無數以給

犧牲

按漢書如淳注引
此條作漢官儀注

將作大匠改作少府景帝中六年更名

高皇帝家在豐中陽里爲沛泗上亭長及爲天子立沛
廟祠豐故宅

右藝文類聚凡九條

議郎中郎秦官也議郎秩比六百石特徵賢良方正敦
朴有道第公府掾試博士者拜中郎也

議郎十二人不屬署不直事侍御史遷補博士諸侯王
郎中令

中書掌詔誥答表皆機密之事

高后選孝悌爲郎

武帝元年令郡國舉孝廉各一人詣御史

右北堂書鈔凡五條

正月五日大置酒饗衛士

右錢文子補漢兵志一條

漢官舊儀補遺



